

Tutu é kuvi ūun e táxnūu San Pablu iña ñá ñuú Tesalonica

Taxnūu Pablu tútú iña ña kuínti'xe i Xuva kō, ña ntoo ñuú Tesalonica

1 Xu'u é Pablú u, ni Silvanu, ni Timóteú ne, taxnūu ntí tutú sa'a iña ña kuínti'xe i Xuva ko ni l'xā ñá Jesucristu, ñá ntoo ñuú Tesalonica. Xuva ko na nāxnūu viko ña nto. Na tā'xi ña é vā'á koo kuntōo nto.

Nté ō ntákuinti'xe ña ñuú Tesalonica

²Ñi kuē'en tsí ntuvi ntánakue'e ntí sintiá'vi nta'a Xuva ko kuēnta iña ntó ne, ntáka'án nti ni Xuva ko kuēnta iña nto vata da ntáka'an ntá'ví nti. ³Dā ntáka'án nti ni Xuva kō ne, ntánaka'án ntí nté ō ntáde tsiñu nto tsí ntákuinti'xe nto. Ntánaka'án ntí tsi dóo nti ntáde tsiñu nto tsí ntákuinima ntó Tó'o ko Jesucristu. Kaniñ nima ntó ntantétu nto ña, tsí ini nto tsí nainu xtúku ña. ⁴Iní nti tsí nakaxnúu Xuva ko ntō tsi dóo ntio ña nto. ⁵Ñá te da mií é ká'án nti tú'ún va'á san ni ntō, ntá tsi é dé tsiñu ni'í Espíritū Sántu tū'ún san é vií ñá uun nuu i é ká'nu nima ntó vata koo é kūtuni ntaá nto é nuu é ntaā i. Ini ntó nte o dé nti kuenta iña nto da intóo ntí ni ntō.

⁶Édé nto vatā o dé nti, vatā o dé Xuva kō. Tā'xi Espíritū Sántū dodíni iña nto é kīni nto tú'ún sa'á, kuān te dóo ntó'o nto kuenta iña i. ⁷Un ntíí ntíí ña kuínti'xe i, ña ntoo ñuú Macedonia ni ñuú Acayá ne, ini ña nté koo vií ña da ntaíni ña nté o de nto. ⁸Un ntíí ntíí ña ñuú i sán ne, ini ña tsi dóo ntákuinti'xe nto Xuva kō, tsí ña te da mí ñuú Macedonia ni ñuú Acaya ntáka'an ntódo nto tú'un Xuva kō. Ñá kantio é ká'án ka ntí nuu i sá'a, ⁹tsi ntáka'an mí ñā'a san e dóo vā'a o dé nto ni ntí dá xeé nti mí ntoo nto. Ntáka'an ña nté o tsóo mii nto santu e ntúvá'a nāa iña nto vata koo é kuntikin ntó Xuva kō né, ēni ntu'u nto ntáde tsiñu nto iña Xuva ntí'xe kō, ña kantíto. ¹⁰Ini ñá tsi ntantétu nto dá nainu xtúku l'xā ña nte e dukún kán, divi ñā é nantōto Xuva ko ña dá xi'í ñá, divi Jēsuu, ña nakáku kō é ña ní'í kō é ntó'o ko iña kuétsi ko tē xe'é Xuva kō é ntó'o ña ntoo ñuxiví sa.

Tsiñu é édé Pablu ñuú Tesalonica

2 Ini mí nto, ta'an, tsí ña te é ntaā i é ñe'é nti mí ntoo nto. ²Ini ntó tsi dóo ntó'o ntí ñuú Filipu. Dōo dé xeni ña'a ni ntí ikān. Kuān

te ntó'ō ntí ne, ntá tsi tá'xi Xuva kō é ña ni u'ví nti é kā'an nti ni ntō tú'un va'á san iña ñá, kuān té ña ni ntio ku'e'en tsi ña ñuú nto san. ³Ñá te tú'un vete e ntáka'an nti ni ntō, ñá te tú'un é kīni kaa. Ñá tē ntaéni nta'ví nti nto, tsí nuu é ntaā i é kāka'an nti ni ntō. ⁴Tsí Xuva kō ntio ñá é kā'an nti tú'un va'á iña ñá ne, ñá tsi tú'un e ntáka'an nti ni ntō di. Ña ntáde ntí kuenta te xkúntee iní ñá'a ne, o tē ñá xkúntee iní ñá, ntá tsi kade nti é ntio Xuva kō, tsí kaito nteé ña nima ko nte ntáa. ⁵Ini ntó tsi nté uun ito ña ni ká'an nti tú'un e dóo vidin ka'an é kāni nta'ví nti nto. Ntē ña ni ká'an nti vata koo é kukuika nti. Xuva ko iní ñá. ⁶Ntē ña ni ntíó nti é kā'an ñá'a te dóo ka'nu ñá'a ntí, kuān te ñá'a te dóo ka'nu ñá'a ntí, kuān te ñá'a te kuvi ka'an ntí'xe ñá tsi ka'nu ñá'a nti, tsí Cristu táxnū ña nti. ⁷Dóo víta iní nti dá intóo ntí ni ntō, tsí ñá'a te dóo ntio ntí nto. Īde ntí vata tsi ó de dí'i i'xá san ni i'xá ñá e dóo meni ña i. ⁸Ñá te da mii tú'un va'á iña Xuva ko é ncho ta'xi nti é kūtuni nto, tsí un tsi nte ntúvi iña míf nti é ncho ta'xi ntí kuenta iña nto, tsi dóo ntio ntí nto. ⁹Ntánaka'an nto, tā'an, nté ó de tsiñu ntí, nté ó ntó'o nti. Ntē ntuvi ntē níñu dé tsiñu nti, tsí ña ni ntíó nti é natēñu nuu ntí nto ñá dukuān ntáka'an nti ni ntō tú'un va'á san iña Xuva ko.

¹⁰Ntó'o ne, kuvi ntada ntaa ntó ni Xuva kō tsi nté uun nuu i é kīni kaa ña ni idé nti ni ntō, ñá tsi nté e ntákuinti'xe nto Xuva kō. Ntē ña tuví nee nuu i é tsí'i kuétsi nto nti. ¹¹Ini ntó nte o dé nti ni ntō. Tsí vata ó de uva i'xá san ni i'xá ñá ne, kuān

o tá'xi ntí nto itsi. Naká'nu ntí iní nto, é un é un nto. Ká'an ntí ni ntō ¹²tsi vá'a koo víf nto vata o é ntio Xuva kō, tsi kána Xuva ko ntó é kuntōo nto nta'a ñá, é ní'i nto e dóo va'á iña ñá.

¹³Dukuān ne, kanakué'e ntí sintiá'vi nta'a Xuva ko útén uten, tsí da téku nto tú'un Xuva kō e ntáka'an ntódo ntí ne, kuinti'xe nto tsí ña te tú'un e ntáka'an ñá'a, tsí ñá tsi tú'un é káde tsiñu nima ntó, ñá tsi tú'un é káde tsiñu nima ntó, ñá tsi tú'un é káde tsiñu nima ntó, ñá tsi tú'un é káde tsiñu nima ntó, ñá tsi tú'un é káde tsiñu nima ntó. ¹⁴Tsí ñá tsi tú'un é káde tsiñu nima ntó, ñá tsi tú'un é káde tsiñu nima ntó. ¹⁵Ñá Israee ñá tsikán ne, e'ní ña Tó'o ko Jēsuu ni ñá ntáka'an ntaa Xuva ko. Nakúnu ñá ntí di. Ña ntáde ñá é ntio Xuva kō; da mii ku'e'en tsi e ntánāa núu ña ni ūn ntí'xe ntí ñá'a. ¹⁶Ñá ntio ñá é kā'an nti ni ñá tsi tú'un va'á iña Xuva ko é nakáku ña di. Díí díí ka kue'e kuétsi ñá kuēnta iña núu i sa'a. Ntá tsi ní'i ñá é ntó'o ñá nta'a Xuva kō, tsi dóo kudiiñ Xuva ko é kuān ó de ñá.

Ncho kí'in xtúku Pablu ñuú Tesalonica

¹⁷É kūtítán ntuvi e tsóo mii ntí nto, ta'an, ntá tsi dóo ntánaka'an ntí nto. Dóo ntio nti kīni xtuku ntí nto. Ncho kíkoto ní'ni ntí nto. ¹⁸Xu'u é Pablú u ne, kí'in itō ncho kí'in u, ntá tsi edí nuu tó'o e ña va'á san itsi é kí'in nti. ¹⁹¿Nee iñá ntu é ntantétu ntí ve? ¿Nee iñá ntu é nākunuu díni nimá nti? ¿Nee ntu doméni é vá'a ní'i nti? Ntó'o kúvi

nto iñá nti é kuntoo dadíi o nta'a Tó'o ko Jēsuu te naínu ña. ²⁰Tsí divi ntō e dóo ka'nu kuiní nti kuenta iña nto. Dóo diní nti kuenta iña nto.

3 Dukuān né, dā ña ni kutíi ká nti ne, dē kuení nti te vā'a o te kuntoo mií ntí ñuú Atená ne, ²taxnūu ntí ta'an ko Timōteu e kíkoto ní'ni ña nto. Tsí divi ña ne, kade tsiñu dadíi ntí ni ña iña Xuva ko dá kākā'an ntódo nti tú'un va'a é nakáku Cristu ko. Divi ña nañē'e ñá nto é nakíi nima nto é ñi kue'én ini nto kuinti'xe nto Xuva kō, ³vata koo é nté uun nto ña nativi iní nto é kuinti'xe nto da xe é kuān ó ntánto'o nto. Tsí ini nto tsí da mií é kuan koo nto'o kō. ⁴Ini nto tsi dá ntoo ntí ni ntō ne, ntáka'an nti ni ntō tsí kuan koo nto'o kō tsi ntákuinti'xe ko Jēsuu. É ini nto tsí kuān o kúvi nti'xe. ⁵Dukuān né, dā ña ni kutíi ká u ne, taxnūu ú ña vata koo é kutuní ko te ntákuinti'xe dukuan ntō, o tē da ntántikin ntó tó'o e ña vā'a san é nañē'e nto tuku nuu i, tsí tē ña'a ne, é ntaā i é de tsiñu nti. ⁶Ntá tsi dā náxee xtúku Timoteu é ñē'e ñá mí ntoo ntó ne, dóo vā'a tú'un ní'i ña da náxee ña. Kaka'an ñá tsi ntákuinti'xe dukuan nto Xuva kō ne, ntákuinima tá'an nto di. Kaka'an ñá tsi nguentúvi ntánaka'an ntō ntí, e dóo ntio nto ntí, e dóo ntio nto é nākiní ta'an o vatā ó ntio ntí di. ⁷Dukuān né, ta'an, kuān te dóo titín nuu i taan núu ntí, ntá tsi dóo ka'nu kuiní nti tsí ntákuinti'xe dukuan nto Xuva kō. ⁸Dā téku nti tsí ntoo ntií nto ni Xuva kō né, vata te ntuvi xēe é ní'i nti. ⁹Ñá ini nto nté kaa síntiá'vi é nakué'e ntí nta'a Xuva ko kuēnta

iña nto, tsi ñá tē nté kaa diní ntoo ntí nuu Xuva ko kuēnta iña nto.

¹⁰Ñií kué'en iní nti ntáka'an ntá'ví nti ntē ntúvi ntē níñu te ta'xi Xuva kō é nākiní xtuku ntí nto vata koo é nakuā'a ká nti nto nēe é kākunaá ká é kuinti'xe vā'a nto Xuva kō.

¹¹Ntio nti é ta'xi mií Xuva ko ní Tó'o ko Jēsuu itsi vata koo é kúvi naxee túku nti mí ntoo nto. ¹²Na ta'xi Xuva kō é díi díi ka kuinima ntó ta'an nto, ni ún ntií ntií ña'a, vatā ó kuinimá nti nto, ¹³vata koo é na nāku'ún ka'xi nto, vata koo é ña koo nté uun nuu i é kuétsí nto nta'a Xuva ko tē nainu Tó'o ko Jēsuu ni ún ntií ntií ña'a, ña ntáduku ntée ña. Kuan koo na kōo.

Nté koo vii o é ntio Xuva kō

4 Vi'a ve ne, ta'xi ntí nto itsi sá'a, tā'an. Kákān ntí nto kuenta iña Tó'o ko Jēsuu é vii ntó vatā o nañē'é nti nto nté koo vii nto é ntio Xuva kō. Kuān o ntáde nti'xe nto, ntá tsi díi díi ka víi nto ve.

²Tsí ini nto tú'un é tá'xi ntí nto vatā o táxnūu Tó'o ko Jēsuu. ³Tsí ntio Xuva kō é vii ntó da mií kué'en tsi é vā'a. Ñá ntio ña é vii nto é kini kaa ni ñadří san. ⁴Kutú've nto, é un é un nto, nté koo víi nto ni ñadří míi ntō vata koo é vii nto é ntio Xuva kō, vata koo é na kuiko ñu'u ña'a san nto. ⁵Ñá ku dē kuení nto é kini kaa ni tuku ñadří san, vatā o ntáde tuku ña'a, ña e ñá ini Xúva kō. ⁶Kuenta iña i sá'a ne, ña vā'a o te kaní nta'ví ta'an o. Tsí Xuva ko kué'é ña é ntó'o un ntií ntií ña'a, ña iō kuetsí i san, vata o ka'an nti ni ntō. ⁷Tsí ña te ni kana Xuva ko kō é vii o é kini kaa, tsi é vii o é vā'a.

⁸Xoo é ña káde i kuenta tú'un sa'á ne, ná te tú'un ña'a kanakuita ña, tsi tú'un mii Xuva kō, ña kata'xi Espírítu Sántu é kunū ña nima ko.

⁹Ñá kantio nto é kā'an ka ú ni nto kuēnta iña i é kuinima tá'an kō, tsí mii Xuva ko kanakuā'a ña nto é kuinima ntó ta'an nto. ¹⁰Tsí ñi ñi nto ne, ntákuinima ntí'xe nto un ntí'xi ta'an nto, ña kuínti'xe i, ña ntoo ñuú Macedonia. Sá'a tsí é kā'an nti ni nto: Tē dí' dí' ka kuinima tá'an nto. ¹¹Koó nti ntō é diin diin tsi kuntōo nto. Ví' nto kuenta iña mii nto. Nta'a mii nto kada tsiñu ni' nto, vatā ó kaka'an nti ni ntō, ¹²vata koo e dóo va'á koo ka'an ñá'a san iña nto, ña é vāta kuínti'xe i san, vata koo é ña te neé taan núu nto.

Tē naínu xtúku Tó'o kō

¹³Ntá tsi ntio nti é kūtuni nto nté koo kuvi ña é xi'í san, vata koo é ña kunta'xa iní nto vatā ó de ña'a, ña é ña tuví nee kantétu. ¹⁴Tsí ntákuínti'xe kō tsí xi'í Jésuú ne, da ntóto xtuku ña ne, kuan tsi koo nainu ni' Xuva ko ña xi'í san dí, ña e kuínti'xe i ña.

¹⁵Ta'xi Xuva kō é kā'an nti sa'a ni ntō: Tsí ñi ñi o é ntántoo ká o ñūxívi sa da nté nainu xtúku Tó'o kō ne, ña te xó'o é dí'na o kīni o ña, tsí dí'na ña xi'í san. ¹⁶Tsí mii Tó'o kō nainu ñá ñu'u a é nakana ña kō. Un nti tsi kā'an ánje, ña odo nūú iña Xuva kó ne, kueku trunpeta Xuva ko te e xée úra i é ntaa o ni ña. Kidáa ne, ña kuínti'xe i, ña xi'í san ne, dí'na ña ntoto ña ne, ¹⁷xo'o é ntántoo ká o ñūxívi sa ne, k'ín dadíi o ni ña me'ñú vikó san ne, ikan nani'i ta'an ko Xuva kō e

dukún kán. Kidáa né, kuntoo dadíi o ni ña nti dañu ntúvi. ¹⁸Dukuān ne, ká'an nto ni tá'an nto tú'un sa'á, naka'nu nto iní ta'an nto xé un xé un nto.

5 Ntá tsi ñá kantio é kā'an nti ni ntō neé urá o nēe ntúvi te nainu Tó'o kō, ²tsí ini nto tsí dā xeé ntuvi é nainu xtúku ña ne, da nēe ini kó nainu ña, vata kaa ña du'u, ña vé'xi niñú a. ³Ura tsí i da ntáka'an ñá'a e dóo vá'a o ntoo ña, diin diin tsi iñi ne, ntá tsi da nēe ini ñá kuvi dóxo, vatā ó kuvi ñadí'í san dá kaiñi ntu'u kaexnúu i'xí ña é káku i'xá ña. Ña kúvi nakákú ka ña kúñu ña. ⁴Ntá tsi ñi ñi nto, tá'an, é ini ntó nuu i sá'a ne, ña ntaíka nto mí'i é nēe vata koo é ña da nēe ini ntó tē xee ntúvi tsikan, vatā é ki'xi ña du'u té xee. ⁵Ntō'o ne, vata ntáa ñu'u é kāxi'í nuu ntuvi ā ntáa nto; tsí xo'o ne, ñá kadūku ntée o mí'i é nēe; ñá kadūku ntée o nūu i é kākuví niñú a. ⁶Dukuān ne, ñá kú xkukídi naá o vatā o ntáde tuku ña'a, ña é dotō tsi ntáde, ntá tsi ku'un ku'un tsi iní ko kuntoo o. Na kadā kuení va'a ko nté koo vii o. ⁷Ña ntákidi ne, niñú a ntákidi ña. Ña ntáde ki'vi ne, niñú a ntáde ki'vi ña. ⁸Ntá tsi xo'o é ntoo o mí kaxi'í nuu ne, na kadā kuení va'a ko nté koo vii o. Vatā ó kanada'an sntadun kúñu ña é kainúu káa xkintika ña né, kuan koo nada'an o nima ko é kuínti'xe ko Xuva kō ne, kuinima ko ña. Vatā ó kanada'an sntadún san díki ña é kainuu ña ñi ka'xi né, kuan koo nada'an o díki ko é kuntetu o ntúvi é nakákú Xuva ko kō. ⁹Tsi ñá ni nākaxnúu Xuva ko kō vata koo é ta'xi ña kō é ntō'o ko, tsí

vata koo é nakakū ñá ko ntā'a Tó'o ko Jesūcristu. ¹⁰Divi ñā ne, xí'i ñā kuēnta iña kó vata koo é kuntoo dadii o ni ñā, kuān té kantitō ká o ne, o kuān té e xí'i o tē naínu ñā. ¹¹Dukuān ne, ká'ān ká nto ni tā'an ntó te kíi nima ñā. Tsi'i ntii nto ñā na kuínti'xe ñá vatā o ntáde nti'xe nto.

Itsi e xé'e Pablu iña ñā kuínti'xe i

¹²Ká'ān ntí ni nto, tā'an, tsí kuiko ñu'u nto ñā'a, ñā ntáde tsiñu ni'i nto kuēnta iña Xuva ko, ñā ntádē kú've iña nto kuenta iña Xuva ko, ñā ntáta'xi nto ítsi. ¹³Dií díi ka kuiko ñu'u nto ñā; kuinima ntó ñā kuenta iña tsiñu e ntáde ñā.

¹⁴Ká'ān ntí ni nto, tā'án, te kāda tii nto ni ñā dóo du'xen i é kāda tsiñu ne, nāxnuu ka'nu nto iní ñā e dóo ixó i san. Tsi'i ntii nto ñā e dóo vitá o ini i. Ka'nu víi nto nima ntó ni ūn ntíi ntíi ñā'a.

¹⁵Ñá ku dē xení nto ni ñā'a te kadē xení ñā ni ntō. Nantuku nto da nēé ka nuu i é vā'a é vii ntó ni tā'an ntó, ni ūn ntíi ntíi ñā nguii sán dí.

¹⁶Nguentúvi kuntōo dínī nto. ¹⁷Ñá ku kúnáa iní nto é ká'an ntā'ví nto. ¹⁸Naku'é e nto sintiá'vi nta'a Xuva

ko iña un ntíi ntíi nuu i, tsi sá'a ntio Xuva kō é vii nto tsi ntákuinti'xe nto Cristu.

¹⁹Ñá ku e'nté nuu nto tsiñu é kāde Espíritū Sántū. ²⁰Ñá ká'an ntó te ñā vā'a o é káka'an ñá'a tē xoó kaka'an í naa Xuva ko. ²¹Koto nteé va'ā ntó un ntíi é káka'an ñá, nēe é vā'a, nēe é ñā vā'a ne, kuntikín nto é vā'a san. ²²Tsoo mii ntó é un ntíi nūu i é kīni kaa san ve.

²³Xuva kō, ñā kata'xi é kuntōo vā'a o né, na ntāvā'a ñā nima nto. Na vii ñá kuenta kúñu nto, kaníi é tduiña nto. Kidáa ne, ñá ká'an Tó'o ko Jesūcristu té iō kuetsí nto tē naínu xtúku ñā. ²⁴Xuva kō, ñā e kána nto ne, kada ntaa ñá vatā ó kaka'an ñā.

I'a nantí'i Pablu tútú san

²⁵Ká'an ntá'ví ntó iñá ntí, ta'an.

²⁶Ká'an ntō ntiusi ni ún ntíi ntíi ñā kuínti'xe i, ñā ntoo ikān.

²⁷Ká'ān ntí ni ntō tsí ntio Xuva kō é nakuā'a nto tū'un sa'a ni ūn ntíi ntíi ñā kuínti'xe i.

²⁸Na kūnuu mé'ñu kūnuu dava Tó'o ko Jesūcristu nto. Sá'a tsí é ká'an ntí ni ntō.